



# **Perorsaanermik Ilinniarfik / Socialpædagogisk Seminarium PI/SPS**



## **ILINNIARNERUP AAQISSUGAANERA**

### **Isumaginninnermi ikiortinngorniarneq**

Nutarterneqqaarpoq: Oktober 2001

Kingullermik Bestyrelse-nit akuerineqarpoq: Sept. 2017

Kingullermik nutarterneqarpoq: november 2023

Akuerineqarpoq Bestyrelse-niit: 13 dec. 2023

Akuerineqarpoq Ilinniaritaaanermi Naalakkersuisoqarfimmit: 16 januar 2024

## Imarisai:

Siulequt .....	2
1. Isumaginninnermi ikiortinngorniarnep ilinniartitaanerup siunertaa.....	2
2. Isumaginninnermi ikiortinngorniarnep ilinniartitaanerup tunngavii .....	3
2.1. Ilinniartitaanermut tunuliaqutaasut.....	3
2.2. Suliaqarfiusinnaasut .....	3
2.3. Akisussaaffiit oqartussaaffillu.....	3
3. Akuerineqarnissamut piumasaaqatit. ....	3
4. Ilinniartitaanermi tunngaviusumik naleqartitat .....	4
5. Atuagarsorfissanut sungiusarlunilu sulinissamut piffissalersuut. ....	4
6. Atuagarsorluni ilinniarnep .....	5
6.1 Ilinniagassat nalunaquttallu akunnerisa agguataarneqarnerat .....	6
6.2. Aalaatsit, pinngortitaq aammalu peqqinnermi anguniagassat.....	7
6.3. Nipilersornikkut isiginnaartitsinikkut assassornikkullu ersersitsinnermi ilinniagassat anguniagassat. ....	7
6.4. Perorsaanilerinnermi aammalu tarneq pillugu isumaliuutersuutinut anguniagassat. ....	7
6.5. Attaveqaqatigiinnermi anguniagassat. ....	8
6.6. Isumaginninnermi inuiaqatigiilerinnermilu anguniagassat. ....	8
7. Sungiusarluni sulineq.....	8
8. Misilitsinnerit. Pinngitsoorani allallugit suliassat aamma angusarisimasanik.....	9
8.1. Atuagarsornermi naliliineq.....	9
8.2. Sungiusarluni sulinermi pinngitsooranilu allallugit suliassat naliliinerlu.....	9
9. Inaarutaasumik soraarummeerneq. ....	10
10. Ilinniarnermi peqataasussaataaneq. ....	11
10.1. Ilinniarunnaarsitaaneq.....	11
11. Napparsimalluni tunniussinngitsoornermi malittarisassat. ....	11
12. Pissutsit immikkut ittut. ....	12
13. Ilinniagaqarnersiutinut tunngasut. ....	12
13.1. Ilinniarnerup nalaani peqanngittarneq. ....	12
14. Naartunermi erninnermilu sulinngiffeqarneq aammalu ilinniarunnaarallarneq.....	12
15. Naammagittaalliorsinnaaneq.....	13
16. Bestyrelse pillugu.....	13

## **Siulequt**

Isumaginninnermi ikiortinngorniarneq Inuussutissarsiutinik Ilinniartitsinerup iluani inissisimavoq ukiunik marlunnik sivisussusilik. Isumaginninnermi ikiorti isumaginninnerup iluani pingaarnertut ineriartortitsilluni sammisassaqaartitsinermik ilinniartinneqassaaq. Ilinniarnerep atuagarsornertaa kalaallisut ingerlanneqartarpoq.

Isumaginninnermi ikiortinngorniarneluni ilinniarnermi anguniarneqarpoq atuagarsornerup sungiusarlunilu sulinerup paarlakaajaannerisigut ilinniartup inuttut ilisimasatigullu piginnaasassanik ineriartortitsillunilu piginnaaneqaleriartornissaa isumaginninnerup iluani suleqataasutut tamatigoortutut sulilersinnaalernissaminut.

Ilinniarnermi Isumaginninnermi ikiortinngorniaq atuagarsorluni ilinniarnermi aamma sungiusarluni sulilluni ilinniarnermi ilinniagaqarnersiutisisarpoq.

Ilinniarnerep aaqqissuussaana ilinniartunut aamma sungiusarluni sullivinnut tamanut tunniunneqassaaq.

Atuagarsornerit pingasuupput taakkunani marluk nunap immikkoortuani ilinniarfimmiissallutik (RES) pingajuat Qitiusumik ilinniarfimmi (PI/SPS).

Ilinniarnerep aaqqissuussaanaerani inatsisitigut tunngavigineqartut makkuupput:

- Ilinniagaqarnersiutit pillugit Namminersorlutik Oqartussat nalunaarutaat nr.9, ulloq 19. Juli 2017-meersoq.
- Ilinniagaqarnersiutit pillugit Inatsisartut inatsisaat nr.12, 22. November 2011-imeersoq.
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut Inatsisaat nr.10, 19. Maj 2010-meersoq.
- Inuussutissarsiutinik ilinniartitaanermut tunngasut aqunneqarnerat pillugu Namminersornerullutik Oqartussat Nalunaarutaat nr. 20, 27. maj 1991-imeersoq.
- KIIIP'ip kaajallaasitaa napparsimalluni soraarummeerneq misilitsittarnerlu pillugit kaajallaasitaa nr. 3/96, 17. juni 1996-imeersoq.
- Isumaqatigiissut. Naalakkersuisut, Finansministeriap aamma Sulinermik Inuussutissarsiuteqartut Kattuffiata akornanni Ilinniartut pillugit isumaqatigiissut. 02. december 2019-imeersoq.
- Inuussutissarsiutinik ilinniarfinni soraarummeertarnerit pillugit Namminersorlutik Oqartussat nalunaarutaat nr. 4, 18. Marts 2015-imeersoq
- Karakter skala nutaaq. Greenlandic Grading System (GGS-skalaen)

### **1. Isumaginninnermi ikiortinngorniarneluni ilinniartitaanerup siunertaa.**

Isumaginninnermi ikiortinngorniarneluni ilinniartitaanerup siunertaraa ilinniartup inuttut ilisimasassatigullu piginnaasassanik ineriartortitsillunilu pigisaqaleriartornissaa isumaginninnermi suliat iluanni piginnaaneqarluarluni suleqataasutut namminersorluni sulisinnaanissaa, pitsanggorsaaasinnaasunillu siunnersuuteqartarsinnaanissaa.

Ilinniartup akisussaassuseqarluallernissaa aammalu ulluinnarni suleqatigiinnermi suleqataalernissaminut ilinniartup tunngavissaasunik pigisaqalernissaa siunertaavoq.

Aammattaaq Isumaginninnermi ikiortinngorniarluni ilinniartitaanerup siunertaraa ilinniartup isumaginninnerup tungaatigut ilisimasassatigut inerisartuarnissamut kiisalu ilinniagaqaqqinnissamut piukkunnarsarnissaa kajumissuseqartunngortinneqarnissaalu.

## **2. Isumaginninnermi ikiortinngorniarluni ilinniartitaanerup tunngavii**

### **2.1. Ilinniartitaanermut tunuliaqutaasut.**

Isumaginninnermi ikiortinngorniarluni ilinniarnermut tunuliaqutaapput isumaginninnermi suliat iluanni suleqatissanik piginnaaneqartunik pisariaqartitsisoqarnera, perorsaanerme tunngaviusumik suliassanik nammineerlutik ingerlatsisinnaasunik, kiisalu aamma suliffeqarfinni isumassuinnermi sammisassaqtitsiniarnermilu suliassanik assigiinngitsunik ingerlatsisinnaasunik.

### **2.2. Suliaqarfusinnaasut**

Isumaginninnermi ikiorti ilinniarnernimik naammassereeruni ukunani atorfinniarsinnaavoq:

Ulluunerani paaqqinniffiit:

- meeraaqqeriviit
- meeqqeriviit
- akuleriinnut paaqqinniffiit
- fritidshjemmit
- atuarfinni paaqqinniffissatut aaqquissuussat
- fritidsklubbit
- ungdomsklubbit
- meeqqat atuarfianni minnerit, 1. – 3, klasseniittut
- Ilaqtariinnut sullissiviit

Ulloq unnuarlu paaqqinnittarfiit:

- Ulloq unnuarlu paaqqinnittarfiit – meeqqanut inuusuttunullu
- Ulloq unnuarlu neqeroorutit – innarluutilinnut
- Najugaqarfiit illersugaasut - innarluutilinnut
- Najugaqatigiiffiit – innarluutilinnut
- Pinerluuteqarsimasunik isumaginnittoqarfik

### **2.3. Akisussaaffiit oqartussaaffiillu.**

Isumaginninnermi ikiorti isumaginninnerup iluani tunngaviusumik suliassani, perorsaanerme sammisassaqtitsiniarlunilu suliassani isumaliuutersuuteqartunik tunuliaqutaqarluni suleqataasinnaanissaminut ilinniarsimasuuvoq.

Suliffeqarfinni atuisunut Isumaginninnermi ikiorti suliassatigut inuttullu ikiuussinnaavoq.

Isumaginninnermi ikiorti ilinniarnermi ilisimalikkamigut tunngavissaqarpoq perorsaanikkut suliassaviusunik suliassiissutigineqarsimasunik akisussaaffiginnissinnaanissaminut.

## **3. Akuerineqarnissamut piunasaqaatit.**

Qinnuteqartoq ataani taaneqartut aallaavigalugit akuerineqassaguni angusisimassaaq:

- Ilinniartunngortussaq 10. klassemi allattariarsorluni soraarummeerluni misilitsissimassaaq kalaallisut minnerpaamik D aamma qallunaatut minnerpaamik E karaktereralugit.
- Imaluunniit ilinniarnermi aallarnisaaneq alla akuerisaasoq, assersuutigalugu Piareersarfik/Majoriaq, suliniut NUIKI assigisaaluunniit ingerlassimassavaa naammagartumik inernilimmik.

- Holdimi inissanit amerlanerusunik qinnuteqartorqarpat, meeqqat atuarfianni agguaqatigiissillugu karakterit qaffasinnerpaat pingaarnersiorneqassapput.

Qinnuteqartoq ilinniarnissamut akuerineqarpat, pillagaasimanerup / pillagaasimannginnerup allagartaa aammalu Meeqqanut pinerliisimannginnermut uppersaat piniarneqassaaq. Pillagaasimanerup / pillagaasimannginnerup allagartaani pinerluutinik ilinnialernissamut akuersissummut atorunnaarsitsisinnaasunik allassimasoqassanngilaq. Forstanderi pinerluutinik pillagaasimanerup / pillagaasimannginnerup allagartaani allassimasunik – ilinnialernissap aallartiinnarsinnaanera imaluunniit ilinnialernissamut akuersissutit atorunnaarsinneqarnissaa siunertaralugu – naliliisuussaaq.

#### **4. Ilinniartitaanermi tunngaviusumik naleqartitat**

PI/SPS'ip Isumaginninnermi ikiortinngorniarniluni ilinniarnermut pingaartitatut tunngavii ataatsimoorussamik kulturimut paasinnittaaseqarnermik imaqarput, kikkut tamarmik oqartussaaqataanerannik aammattaq inuit ataasiakkaat inuttut kiisalu atuagarsornikkut ilisimasassatigut ineriartortitaanissaannut inissaqartitsisuussapput.

Isumaginninnermut ikiortip nammineerluni akisussaaffini oqartussaaffinilu ilisimaarissavai.

Taamaattumik ilinniarnerp sunniuteqaqataaffigissavai, Isumaginninnermi ikiortip nammineersinnaassuseqalernissaa akisussaassuseqalernissaalu.

Isumaginninnermi ikiorti inunnut ataasiakkaanut ataqinnittuussaaq, isumassuineramik takutitsissalluni tunniussaqaqtassallunilu, kiisalu ajornartorsiutit anigorniarneqarnissaannut siunnerfeqaqtumik sulisassalluni.

Isumaginninnermi ikiorti eqaatsumik, nassaassarsiorsinnaalluni nutaaliorsinnaassuseqarlunilu aamma suliffeqarfiit akimorlugit sulisinnaasuussaaq.

#### **5. Atuagarsorfissanut sungiusarlunilu sulinissamut piffissalersuut.**

Atuagarsornerup aamma sungiusarluni sulinerup sivilissusaat assigiinngiaarsinnaavoq ilinniartup aallartiffissaa apequtaalluni, atuagarsornermi aamma sungiusarluni sulinermi nikittoorutaasinnaammata nalliuttut aamma sulinngiffissat tamanut atuutut sulinngiffeqarfissallu. Ilinniartoq pisinnaatitaavoq ukiumut sapaatip akunnerini tallimani sulinngiffeqarnissaminut. Sulinngiffeqarneq sungiusarluni sulinerup iluani ingerlanneqassaaq, takuuk qupperneq 5.

Piffissani atuagarsorfiusuni ataasiakkaani nalunaaquttap akunneri atuarfissat assigiinngissitaarlugit inissitsiterneqarsimapput qulequttamik aaliangersimasumik suliaqartoqartarsinnaanissaa aammalu aqutissiuussisoqartarnissaa naatsorsuutigineqassammat

Ilinniarneq piffissanut arfineq pingasunut aqqissugaavoq:

Sammissaq 1: Sap. Ak. 5 atuartitsiviit 90 modulit (RES)  
 Sammissaq 2: Sap. Ak. 7 atuartitsiviit 126 modulit (RES)

Sungiusarluni sulineq 1 Sap. Ak. 1

Sammissaq 3: Sap. Ak. 8 atuartitsiviit 136 modulit (RES)  
Sammissaq 4: Sap. Ak. 8 atuartitsiviit 136 modulit (RES)

Sungiusarluni sulineq 2 Sap. Ak. 30

Sammissaq 5: Sap. Ak. 9 atuartitsiviit 142 modulit (Branche)  
Sammissaq 6: Sap. Ak. 9 atuartitsiviit 142 modulit (Branche)

**Sungiusarluni sulinermi sulinngiffeqarneq:**

Sulinngiffeqartarnermut inatsit atuuttoq malillugu ingerlanneqassaaq. Takuuk Ilinniartunut Isumaqatigiissut §5 stk. 4. aammalu Feriarneq pillugu Inatsisartut Inatsisaat nr.10 12. nov. 2001-meersoq.

Ilinniartuq sulinngiffeqarsinnaatitaavoq ullut 25-it / 200 akunnerit suliffiit.

A) Ilinniarneq ukioq siulleq ullut 25-it.

B) Ilinniarnep ukiuata aappaani ullut 25-it.

RES Ilulissat ukioq siullermi / sulilluni misiliinermi siullermi sap. ak. 1 sulinngiffeqassaaq. Ukioq tullermi / sulilluni misiliinerup aappaani sap. ak. sisamat, taavalu Teori 3 naammassigunikku sap. ak. 5-it sulinngiffeqarsinnaatitaalluni.

RES Nuuk ukiumi siullermi sungiusarluni sulinermi sap. ak. 3 sulinngiffeqartoqassaaq, sinneruttut sap.ak. 2 ukioq naatinnagu sulinngiffeqaataassapput.

**6. Atuagarsorluni ilinniarneq**

Atuagarsorluni ilinniarnissaq piffissanut arfinilinnut agguagaavoq. Piffissat atuagarsorfissat siulliit sisamat RES'imi ingerlanneqartassapput. Piffissaq atuagarsorfissat kingulliit marluk Ilulissani PI/SPS'imi ingerlanneqartassapput. Piffissat atuartitsivissat katillugit 772 modulit, taakkulu atuagarsorfissani siullerni marlunni 216 modulit, atuagarsorfissap pingajuani sisamaanilu 272 modulit, atuagarsorfissallu tallimaanni arfernganilu 284 modulit agguataarneqarsimallutik.

## 6.1 Ilinniagassat nalunaaquttallu akunnerisa agguataarneqarnerat

Ilinniarnep ingerlanera	Modulit katillugit	Atuartitsissutit	Modulit agguataarneri (nal.ak.)
Sammissaq 1 Pinnngortitami perorsaanilerinermi sammissaqartitsineq - peqqinnerlu	90	Holdmøde Intro APP Perorsaanilerineq Tarneq pissusilersuutit isumaliortaatsillu pillugit ilinniarnep	3 (6) 36 (72) 17 (34) 17 (34) 17 (34)
Sammissaq 2 Isiginnaartitsinermi nipilersornermi assassornermilu sammissaqarneq	126	Holdmøde Sulinissamut piareersarneq Isiginnaartitsineq Nipilersorneq Assassorneq Perorsaanilerineq Tarneq pissusilersuutit isumaliortaatsillu pillugit ilinniarnep Isumaginninneq inuiaqatigiilerinerlu Attaveqatigiinneq	7 (14) 17 (34) 17 (34) 17 (34) 20 (40) 9 (18) 9 (18) 17 (34) 13 (26)
<b>Sap.ak. 17-it</b>		<b>Sungiusarluni sulineq siulleq</b>	
Sammissaq 3 Perorsaanilerinermi isumaliuutersuutit.	136	Holdmøde Attaveqatigiinneq Sulinermi eqikkaaneq Isiginnaartitsineq Assassorneq Perorsaanilerineq Tarneq pissusilersuutit isumaliortaatsillu pillugit ilinniarnep	7 (14) 14,5 (29) 17 (34) 20 (40) 15 (30) 31,5 (63) 31 (62)
Sammissaq 4 Inuiaqatigiilerineq attaveqatigiinnerlu	136	Holdmøde Sulinermut piareersarneq Attaveqatigiinneq Isumaginninneq inuiaqatigiilerinerlu Perorsaanilerineq Tarneq pissusilersuutit isumaliortaatsillu pillugit ilinniarnep Assassorneq	5 (10) 18 (36) 30 (60) 53,5 (107) 10 (20) 9,5 (19) 10 (20)
<b>Sap.ak. 30-it</b>		<b>Sungiusarluni sulinerup tullia</b>	
Sammissaq 5 Perorsaanilerinermi inuiaqatigiit iluanni immikkut pisariaqartitsisunik sammissaqarneq	142	Holdmøde Sulinermi eqikkaaneq Attaveqatigiinneq Isumaginninneq inuiaqatigiilerinerlu Perorsaanilerineq Tarneq pissusilersuutit isumaliortaatsillu pillugit ilinniarnep NIA	5 (10) 15 (30) 15 (30) 47,5 (95) 22 (44) 21,5 (43) 16 (32)
Sammissaq 6 Perorsaanilerinerup iluani pitsaaliuinermilu sammissaqarneq	142	Holdmøde Tunngaviit 1-7 Isumaginninneq inuiaqatigiilerinerlu Perorsaanilerineq	5 (10) 17 (34) 53,5 (107) 33,5 (67)

		Tarneq pissusilersuutit isumaliortaatsillu pillugit ilinniarneq	33	(66)
Inaarutaasumik misilitsin-nissamut piareersarneq misilitsinnerlu		Uteqqineq	8	(16)
		Soraarummeernissamut piareersarneq	16	(32)
		Soraarummeernissamut allaaserinnineq	28	(56)
		Soraarummeerneq	8	(16)

### 6.2. Aalatsit, pinngortitaq aammalu peqqinnermi anguniagassat. (APP)

Anguniagaq tassaavoq ilinniartup atuagarsornermini: *Paasisimasaqalernissaa, ilisimasaqarfiginnilernissaa aammalu piginnaasaqarfiginnilernissaa*

Ukunatigut:

- sullitat aallaavigalugit pilersitsisinnaassuseqarnerminik aallarniisinnaassuseqarnerminillu
- atuisut ataasiakkaat imaluunniit inuit eqimattakkaat takorluuisinnaanermik isumassarsiorsinnaanermillu atuisinnaanissaannut kajumilersitsisinnaanermik, aallarniisinnaanermik ikorfartuisinnaanermillu.
- Kalaallit Nunaanni pinngortitamik perorsaaniikkullu periarfissaannik tunngaviumik
- timip sanarfineqarneranik sulisarneranillu tunngaviumik

### 6.3. Nipilersornikkut isiginnaartitsinikkut assassornikkullu ersersitsinermi anguniagassat. (NIA)

Anguniagaq tassaavoq ilinniartup atuagarsornermini: *Paasisimasaqalernissaa, ilisimasaqarfiginnilernissaa aammalu piginnaasaqarfiginnilernissaa*

Ukunatigut:

- sammisamut tunngatillugu pilersitsisinnaassuseqarnerminik aallarniisinnaassuseqarnerminillu
- atuisut ataasiakkaat imaluunniit inuit eqimattakkaat takorluuisinnaanermik isumassarsiorsinnaanermillu atuisinnaanissaannut kajumilersitsisinnaanermik, aallarniisinnaanermik ikorfartuisinnaanermillu
- sullitat, timikkut tarnikkullu ineriartornermi killiffii aallaavigalugit sammisamut tulluarsaalluni sammisaqartitsinissamut pilersaarusionermik
- periutsinik assigiinngitsunik misileraanissamut periarfissinneqarnissaa: kisimiilluni, eqimattakkaarluni ilinniaqatigiittullu pilersaarusionermik suliaqarnermik
- isumaliuutersuutit tunngavigalugit sannavissortitsineq

Aammalu:

- nammineq inuttut, isumassarsiorsinnaanermi, nipilersorsinnaassutsimi eqqumiitsuliorsinnaassutsimilu inerisaaviginissaannut periarfissinneqarnissaa
- nammineq inuttut tatigisinnaanissaminik ilinniarnissaa isumaminillu pissuserisaminik tatiginnittuunissaa
- annussiffigerusutanut assigiinngitsunut tunngatillugu atortussanik assigiinngitsunik, teknikkunik taakkualu atorneqarsinnaanernik matuma ataani assigiinngitsunik ukioqarnerit aalasinaasutsikkullu inerikkiartornerit

### 6.4. Perorsaanelinermermi aammalu tarneq, pissusilersuutit isumaliortaatsillu pillugit anguniagassat. Anguniagaq tassaavoq ilinniartup atuagarsornermini:

*Paasisimasaqalernissaa, ilisimasaqarfiginnilernissaa aammalu piginnaasaqarfiginnilernissaa*

Ukunatigut:

- inuup inunngorneraniit utoqqalinissaa tikillugu timikkut tarnikkullu ineriartortarneranik
- perorsaariaatsinik periusissanillu



- inuit akornanni imminut pissusilersorfigeqatigiinnerni timikkut tarnikkullu iliuusaasartut sunniuteqartarnerinik
- nammineq inuttut ilisimasassatigullu ineriartornerminut pissuseqarfiginninnissaminut
- misilittakkani aqqutigalugit inunnut ataasiakkaanut ataqqinnittumik sullissineq
- misilittakkani aqqutigalugit suliasatigut nalaatat assigiinngitsut ataqqillugit, inuillu ataasiakkaat assigiinngissusaannut assigiinngittunillu perorsaanikkut pisariaqartitsisarnerannik.
- meeqqanut suli atualinngitsunut ilinniusiummut Tunngaviit 1-7-mut ingerlatitseqqiinissaq

### **6.5. Attaveqatigiinnermi anguniagassat.**

Anguniagaq tassaavoq ilinniartup atuagarsornermini: *Paasisimasaqalernissaa, ilisimasaqarfiginnilernissaa aammalu piginnaasaqarfiginnilernissaa*

Ukunatigut:

- attaveqariaatsinik suleqatiginneriaatsinillu kiisalu taakkua atorneqarsinnaanerannik
- paasissutissiisinaanissamut paasissutissanillu tigooraanissaminut
- suleqatigiilluni sungiusarnissaa aamma suleqatiginneriaatsinik saaffiginneriaatsinillu
- suliffimmi peqqinnartumik sulinissamut
- inuttut piginnaasat misilittakkallu allattariarsornikkut oqaluttariarsornikkullu nittarsaassinnaanissaminut
- pissaanermik atuisoqarniartillungu aammalu pissaanermik atuinermi sullitaq qitiutillugu attaviginneriaatsinik

### **6.6. Isumaginninnermi inuiaqatigiilerinermilu anguniagassat.**

Anguniagaq tassaavoq ilinniartup atuagarsornermini: *Paasisimasaqalernissaa, ilisimasaqarfiginnilernissaa aammalu piginnaasaqarfiginnilernissaa*

Ukunatigut:

- ulluunerani neqeroorutinut attuumassuteqartunik Inatsisit, peqqussutit aammalu nalunaarutit pillugit
- Inatsisit, peqqussutit aammalu nalunaarutit pillugit inuit immikkut pisariaqartitsisunut attuumassuteqartunik
- Naalagaaffiit Peqatigiit meeqqat pillugit isumaqatigiissutaat
- perorsaanilerinermi sakkussanik immersugassanik soorlu (MIIM 3 & 5)
- pissaanermik atuinermik aammalu atuisimanermi immersugassanut
- pissaanermik atuisoqarsimatillungu meeqqat inuusuttullu pisinnaatitaaffiitut
- inuiaqatigiit Kalaallit isumaginninnikkut aningaasaqarnikkullu aqqqissuussaanerannik ineriartornerannillu tunngaviusumik
- inuiaqatigiit ineriartornerannik, aammalu tamatuma nammineq ilaquuttamilu inuuniarnikkut atugarisaannut, sulinerannut periaasiannullu pingaaruteqarnerannik
- nammineq ilaquuttamilu inuuniarnikkut atugarisaannut, sulinerannut periaasiannullu
- FN-nip nunarsuarmi piujuaannartitsilluni anguniagai

## **7. Sungiusarluni sulineq.**

Sungiusarluni sulineq piffissanut marlunnut avinneqarpoq. Ukiuni marlunni ilinniartuunermi sungiusarluni sulineq ingerlanneqassaaq sungiusarluni suliffimmi ataatsimi. Ilinniartuq sapaatip akunneranut sungiusarluni suliffimmiittassaaq nal.ak. 38-ni, 2 tiimi sinneruttoq ilinniarnerninut piareersarnertut atorneqartassooq. Taakkununga ilaatinneqarpoq sapaatip akunnera allortarlugu nalunaaquttap akunnerani ataatsimi sungiusarnermi siunnersortimik naapilluni oqaloqateqarneq. Sungiusarluni sulinermi pinngitsoorani allallugu suliasap tunniunneqarfissaani sap.ak suliaqarfigisassavaa.

Ilinniartut ilinniarnermut atatillungu ataatsimiitsitalianut ilaasortat pisussaapput ataatsimiinnernut takkuttassallutik, sungiusarluni sulinerup nalaaniikkaluarpalluunniit.

Sungiusarluni sulinerup pingaarnertut imarai isumassuineq, sammisassaqtitsineq, suliassatigut inuttullu ikiuunneq kiisalu perorsaannermi tunngaviusumik suliassanik suliarinnittarneq.

Sungiusarluni sulineq ersarissunik ilinniartumullu siuariartorffiusussamik anguniagartalersugaasaaq. Quppersakkami “Sungiusarluni sulineq – Isumaginninnermi ikiortinngorniarneq”-mi sungiusarluni sulinermi anguniakkat allallu paasisstutissat annertunerusut allaqqapput.

## 8. Pinngitsoorani allallugit suliassat aamma angusarisimasanik naliliinerit.

### 8.1. Atuagarsornermi naliliineq.

Atuagarsornerit naaneranni ilinniartup angusai nalilersuiffigineqassapput. Atuagarsorsimaneq nalilerneqassaaq ‘angusivoq / angusinngilaq’. Naliliineq allaganngorlugu nassiunneqassaaq PI/SPS’imut tassanilu paarineqassalluni.

Naliliinerup assilineri RES’imi ilinniartup attaveqarfigisaani paarineqassaaq.

### Sammissanik naliliinerit

Sammissap normua	Sammissap taaguutaa	Naliliineq
1	Pinngortitami perorsaani- rinnermi sammisaqartitsineq peqqinnerlu	Sammissaqartitsineri pilersaaruserneq
2	Isiginnaartitsineri nipiler- sornermi assasornermilu sammisaqarneq	Ataasiakkaatut ataatsimullu timitaliineq takutitsinerlu
3	Pædagogik & Psykologi <i>Synopse</i>	Allattariarsorneq aammalu saqqummiineq
4	IIS (Individ, Institution & sam- fund) & kommunikation <i>Synopse</i>	Allattariarsorneq
5	Udsatte børn & unge <i>Synopse</i>	Allattariarsorneq oqaluttariarsornerlu
6	Pæd/psyk & social- og samfund	Inaarutaasumik allaaserinnineq oqalut- tariarsornerlu

### 8.2 Sungiusarluni sulineri pinngitsooranilu allallugit suliassat naliliinerlu.

Sungiusarluni sulinerit marluusut tamaasa pinngitsoorani allallugu suliamik suliarinnittoqassaaq. Sungiusarluni sulineri siullermi pilersaaruserluni suliassaq allaaserineqassaaq.

Sungiusarluni sulinerup aappaani isigisamik tunngaveqarluni allaaserinnittoqassaaq.

RES’imi sungiusarluni sulinissap piareersarneqarnerani allaaserisassanut tunngasut oqallisigalugit sammeneqassapput.

Ilinniartoq sammisaqartitsinissaminut allaaserisassaminut tunngassuteqartumik piffissamik atugassaqtartaassaaq.

Suliaq nalilerneqassaaq RES'imi ilinniartitsisumit sungiusarluni sulinermi siunnersorti suleqatigalugu.

Suliaq nalilerneqassaaq: Angusivoq / angusinnigilaq.

Naliliineq allataassaaq naliliinermilu angusaasut PI/SPS'imut nassiunneqassapput tassanilu toqqorneqassallutik.

Naliliinerup nuutinnera RES'imi ilinniartup pingaarnertut attuumassuteqarfigisaani paarineqassaaq.

Pinngitsoorani allallugu suliaq killiffimmi angusarisimasat nalilerneqarnerinut ilanngunneqassaaq. Taamatuttaarlu ilinniartup sungiusarluni sulinermi angusai nalilerneqassapput anguniakkanut sulilluni timitaliineranut sanilliunneqassallutik. Sulilluni sungiusarnermi anguniakkani angusimannikkunigit sungiusarluni sulinermi angusinnigitsuussaaq, ilinniakkaminillu ingerlaqqissinnaanani.

Ilinniartitsisoq suliffeqarfimmut ornigulluni oqaloqatigiinneq pinngitsoorani ingerlatissavaa sungiusarluni sulinermi siullermi imlt. aappaani.

Sungiusarluni sulinerup aappaata qiteqqunnerini ilinniartuq ilinniartitsisuminit malitaminillu oqaloqatigineqartassaaq.

Sungiusarluni sulinermi pinngitsoorani allallugit suliakkiussanik angusinnitsoornermi ilinniartuq periarfissaqarpoq suli ataasiarluni nutaamik suliakkiussamik allannissaminut. Misileeqqinnermi angusinnikkuni ilinniarnernik ingerlaqqissinnaanngilaq.

## 9. Inaarutaasumik soraarummeerneq.

Ilinniarnerp naammassilernerani avataaneersumit naliliisoqarluni misilitsittoqassaaq.

Avataaneersumit naliliisoqarluni misilitsinnissami ilinniartup qinersinnaavaa kisimiilluni misilitsinnissaq imaluunniit amerlanerpaamik pingasuuulluni allattariarsortoqarsinnaavoq. Eqimattami marluugaanni allataq marluulluni ataatsikkut soraarummeerutigineqassaaq. Eqimattamili pingasuugaanni, allataq ataatsimut allariarlugu, ataasiaakkaarluni oqaluttariarsorluni misilitsinneq ingerlanneqassaaq. Ilinniartup paasisimasaminik ilisimalikkaminillu saqqummiussinissaa anguniarlugu.

Ilinniartut inaarutaasumik misilitsinneranni kisimiilluni eqimattaalluniluunniit misilitsinnissap sivisussusaa, PI/SPS-imiit akuerisaq:

	Ilinn. saqqumm.	Oqaloqatigiinneq	Naliliineq	Minutsit katill.
Ilinn. ataaseq	15 min.	20 min.	10 min.	45 min.
Ilinn. marluk	20 min.	30 min.	10 min.	60 min.

Avataaneersumit naliliisoqarluni misilitsinneq tassaavoq suliassamik allallugu suliarinninneq oqaluttariarsorluni soraarummeernermit tunngaviusussaq.

Allallugu suliassap aallaavigissavaa ilinniartup suliffimmi atuagarsornikkullu misilittakkani aallaavigalugit perorsaanermi ilisimalersimasai.

Allallugu suliaq naliginnaasumik synopsis-ip piunasaqaatai malinneqassapput.

Avataaneersumit naliliisoqarluni misilitsinneq nalilerneqassaaq soraarummeersitsisumit censorimillu.

Allallugu suliaq oqaluttariarsornerlu ataatsimut soraarummeernermi naliliivigineqassapput.

Misilitsinnerup naliliiviginerani GGS skala atorneqassaaq.

Taanna soraarummeernermi uppersaammut nuunneqassapput.

Ilinniartoq ilinniarnerup naammassinerani avataaniit naliliisoqarluni misilitsinnerminik angusinnitsoortoq marloriarluni misilitseqqinnissaminut periarfissaqarpoq. Misilitseqqinnerit pissapput PI/SPS'imi tulliani avataaniit naliliisoqarluni misilitsinnerni.

## **10. Ilinniarnermi peqataasussaatitaaneq.**

Ilinniarnermi peqataasussaatitaaneq atuuppoq, tamatumani pineqarput ilinniaqatigiit naapinneri, oqaloqatigiinnerit, pikkorissarnerit, saqqummiussinerit, siunnersortinnerit, sammisaqarnerit, ilinniaqatigiinni naapinnerit.

### **10.1. Ilinniarunnaarsitaaneq.**

Ilinniartoq ilinniarunnaarsitaasinnaavoq, pissusilersuutimigut, inooriaatsimigut, pimoorussinermigut aammalu ilinniarnerminik ingerlatsinermigut imatut pissuseqarfiginnippat allaat

ilimagineqarsinnaalluni akisussaassuseqartumik ilinniakkani naammassisinnaassanngikkaa.

Ilinniarunnaarsitsinissamik aaliangernissaq sioqqullugu ilinniartup ilinniakkaminut killiffia

Isumaginninnermilu ikiortitut naleqquttuunera nalilersorniarlugu ilinniartitsisunit ilinniartunullu aqutissiuisumik nalilersuinerneq isumasiuilluni aallertoqassaaq.

## **11. Napparsimalluni tunniussinnitsoornermi malittarisassat.**

Ilinniartoq sungiusarluni sulinerneq allallugu pinngitsoorani suliaasumik napparsimanini pissutigalugu piffissaq eqqorlugu tunniussisinnaanngippat, piffissaq tunniussivissaq PI/SPS'p isumaqatigiissuteqarfiginerisigut allannortinneqassaaq.

Taamaattoqarnerit tamaasa nakorsamit allagartamik tunniussisoqartassaaq.

Ilinniartoq avataaniit naliliisoqarluni misilitsinnermut napparsimanini pissutigalugu allamilluunniit akuerisaasumik peqquteqarluni, assersuutigalugu qaniginerpaasat napparsimaneranik imaluunniit toquneranik, takkussinnaanngippat nakorsamit allagartamik tunniussisoqarsimappat napparsimasutut soraarummeersinneqarnissaa neqeroorutigineqarsinnaavoq.

Napparsimaneq pillugu nalunaarut avataaneersumit naliliisoqarluni misilitsinnissaq pitinnagu PI/SPS'imut nalunaarutigineqarsimassaaq, nakorsamillu allagartaq ullut pingasut qaangiutsinnagit tunniunneqarsimassalluni.

Napparsimaneq pillugu nalunaarut piffissaagallartillugu tunniunneqanngippat, tamanna bestyrelsimi nalilersugassatut qaqqinneqassaaq.

Ilinniartoq periarfissallu isiginiarlugit PI/SPS'ip napparsimalluni misilitsinnissaq piareersassavaa.

Nakorsamit allagartamut aningaasartuutit PI/SPS'ip akilissavai.

## **12. Pissutsit immikkut ittut.**

Immikkut illuinnartunik pisoqartillugu PI/SPS'imi forstanderip bestyrelse-llu akuerisinnaavaat ilinniarnep aqqissugaanerani allaqqasut malillugit immikkut akuersinissaq.

## **13. Ilinniagaqarnersiutinut tunngasut.**

Ilinniagaqarnersiutit naammagittaalliuutigineqarsinnaapput uunga:

Ilinniartitaanermut Aqutsisoqafik (IKIN) Box 2221 3900 Nuuk

### **13.1. Ilinniarnep nalaani peqanngittarneq.**

Piffissanut ilinniarfimminnermut aamma sungiusarluni sulinerut ataasiakkaanut peqanngittarnermut nalunaarsuinerit ingerlanneqartassapput. PI/SPS'ip aalajangersagai malillugit peqanngiffiit akuerisaanngitsut malitseqartinneqartassapput.

Takkuttussaataaneq aamma tunniussinissamut aalajangersakkat aquneqarnissaannut najoqqutassiornissaq PI/SPS'ip suliarissavai.

Sungiusarluni sulinerup nalaani aggertussaataanermit malittarisassat aquneqarnissaat pillugu ilinniartup sulilluni misiliiffiup malittarisassai malissavai.

## **14. Naartunermi erninermilu sulinnigiffeqarneq aammalu ilinniarunnaarallarneq**

Ilinniartoq ilinniarnep ingerlanerani qaquguluunniit naartunermi sulinnigiffeqaralaruni sulinnigiffeqareernerup kingornagut ilinniarnep naammassiniarnissaanut pisinnaatitaavoq. Ilinniartoq sungiusarluni sulinerup nalaani sulinnigiffeqassangaluarpat PI/SPS'ip ilinniartoq taassumalu sungiusarluni suliffia paaseqatigalugit isumaqatigiissutigissavaat ilinniarnep ingerlaqqinnissaa pillugu. Allangortoqarnerit tamaasa aamma PI/SPS tamakkunanga ilisimatinneqartassaaq.

Erninermit ilinniagaqarnersiutit tunniunneqarsinnaanngillat. Erninerminut atatillugu sulinnigiffeqarnermi ilinniartoq najugarisamini kommunep allaffianut saaffiginnittariaqassaaq. Ilinniarunnaarallarniarluni qinnuteqarsinnaavoq meerartaarnissani pissutigalugu imaluunniit pinartumik napparsimasoqarnera toqusoqarneralu pissutigalugit aammalu ilinniartup uppersarneqarsinnaasumik annertuumik nappaateqarnerani.

Ilinniartoq sivilunerpam ukioq ataaseq ilinniarunnaarallarnissaminut akuerineqarsinnaavoq qulaani taaneqartut aallaaviuppata.

Ukioq ataaseq sinnerlugu ilinniarunnaarallarnissaminik kissaateqaruni ilinniarnini aallaqqaataaniit qinnuteqaaqqeqlarluni aallarteqqissinnaavaa.

## **15. Naammagittaalliorsinnaaneq.**

RES'ip imaluunniit PI/SPS'ip ilinniartumut tunngasut aalajangigai tigunerinit sapaatit akunneri sisamat qaangiutsinnagit ilinniartoq pineqartoq allakkatigut tunngavilersuilluni immikkoortortami pisortamut naammagittaalliutigisinnaavai.

Ilinniartup sungiusarluni sulinermi, allattariarsorluni suliassat, ilinniarnernerminilu suliassat, avataaniillu naliliisoqarluni misilitsinnermi pissutsit allakkatigut tunngavilersuilluni naammagittaalliutigisinnaavai.

Pissutsit naammagittaalliutigineqarsinnaasut:

- Misilitsinnermut tunngavik, matuma ataani ilitersuineq aammalu apeqqutigineqartut suliassiisutillu ilinniarnernerup siunertaanut attuumassuserlugu
- Misilitsinnerup ingerlanera
- Naliliineq

Naammagittaalliut nassiunneqassaaq PI/SPS'imut kingusinnerpaamik pisoqarneraniit ullut arfineq pingajussaanni.

Naammagittaalliut PI/SPS'ip suliarissavaa. PI/SPS-ip naammagittaalliummut akissutaa isumaqatigineqanngippat uunga ingerlateqqinneqassaaq: Bestyrelse, Box 519, 3952 Ilulissat. Bestyrelse-p aalajangiinera aqutsivimmumut oqartussaasumut allamut naammagittaalliutigineqatissinnaanngilaq.

## **16. Bestyrelse pillugu.**

PI/SPS-imi bestyrelse pilersinneqarpoq "Perorsaanermik Ilinniartfimmi aalajangersakkat malillugit" 1. januar 2021

Ilaasortat suminggaanneerfii, atorfeqarfisik sinnerlugu:

Avannaataa Kommunia

Meeqqanut, inuusuttunut, ilinniartitaanermut, kultureqarnermut, Timersornermut ilageeqarnermullu

Naalakkersuisoqarfik

Nunatsinni perorsaasut kattuffiat

Kommunit ataatsimoorussaasut

Isumaginninnermut, ilaqutariinnut, suliffeqarnermut nunamullu namminermit Naalakkersuisoqarfik

Sulinermi Inuusutissarsiuqartut Kattuffiat

PI/SPS-imi pisortaq

PI/SPS-imi ilinniartitsisoq

PI/SPS-imi ilinniartoq